



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Komisija za vanjsku trgovinu i carine
Broj : 01 /3-011-1645/03
Sarajevo, 19. novembra 2003. godine

Z A P I S N I K
sa 4. sjednice Komisija za vanjsku trgovinu i carine
Predstavničkog doma Parlamentarne skupštine BiH,
održane 19. novembra 2003. godine

Sjednica je počela u 15 sati.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Filip Andrić, Momčilo Novaković, Fatima Leho, Ibrahim Đedović, Hasan Muratović i Mladen Potočnik.

Odsustvovali sa sjednice Azra Hadžiahmetović i Nikola Kragulj.

Sjednici su prisustvovali Emira Češljarić, sekretar Komisije za vanjsku trgovinu i carine i Muhamed Mujakić, student završne godine Pravnog fakulteta i apsolvent Ekonomskog fakulteta u Sarajevu, učesnik u programu studentskog stažiranja u Parlamentarnoj skupštini Bosne i Hercegovine organiziranog od Nacionalnog demokratskog instituta za međunarodne odnose (NDI).

Za sjednicu Komisije je predložen i jednoglasno usvojen sljedeći

D N E V N I R E D

1. Usvajanje Zapisnika sa 3 sjednice Komisije
2. Razmatranje Zakona o izmjenama i dopunama zakona o Vanjskotrgovinskoj komori Bosne i Hercegovine, predlagač poslanik Momčilo Novaković
3. Razno

Ad – 1

Zapisnik sa 3. sjednice Komisije usvojen je bez primjedbi jednoglasno.

Ad-2

Razmatranje Zakona o izmjenama i dopunama Zakona o Vanjskotrgovinskoj komori Bosne i Hercegovine, predlagač Momčilo Novaković

Prijedlog Zakona o izmjenama i dopunama Zakona o Vanjskotrgovinskoj komori Bosne i Hercegovine dostavio je u parlamentarnu proceduru 1. oktobra 2003. godine Momčilo Novaković, poslanik Predstavničkog doma.

Kolegij Predstavničkog doma je na sjednici održanoj 14.10.2003. godine kao nadležnu Komisiju odredio Komisiju za vanjsku trgovinu i carine i dostavio Zakon.

Ustavno-pravna komisija Predstavničkog doma razmartala je Zakon i dostavila mišljenje 20.10.2003. godine, utvrdivši da je ustavno-pravni osnov sadržan u članu III. 1. b) Ustava Bosne i Hercegovine i da ponuđeni tekst Zakona Komisija može razmatrati u daljoj proceduri .

Momčilo Novaković, predlagač Zakona o izmjenama i dopunama Zakona o Vanjskotrgovinskoj komori Bosne i Hercegovine u uvodnoj napomeni istakao je da je suština izmjene člana 22. osnovnog Zakona u stavu 3. da se komore finansiraju iz članarina i kotizacije u omjeru 40%: 60% na osnovu prihoda koji potiču iz članarine prikupljenih na nivou privrednih komora entiteta, regionalnih/županijskih komora i komore Brčko Distrikta.

U raspravi su učestvovali: Ibrahim Đedović, Mladen Potičnik, Hasan Muratović, Fatima Leho.

Hasan Muratović je napomenuo da je Zakonom o izmjenama i dopunama Zakona o privrednoj komori u Republici Srpskoj ("Službeni glasnik Republike Srpske", broj 39/03) usvojeno da je od 1. januara 2004. godine članstvo na dobrovoljnoj osnovi. Zakonom je regulisano da Skupština komore utvrđuje osnovicu i visinu članarine kotizacije i način naplate i o tome samostalno donosi odluku. Znači, svaka privredna komora formirana na teritoriji BiH, kao odvojeni pravni subjekt, samostalno donosi odluku o osnovici i visini članarine.

Momčilo Novaković, predlagač Zakona u svojstvu člana Komisije predložio je da se od Vijeća ministara zatraži mišljenje o opravdanosti Prijedloga izmjena i dopuna člana 22. Zakona.

Komisija je jednoglasno zaključila da se na osnovu člana 73. Poslovnika o radu Vijeća ministara u roku od 15 dana Vijeće ministara zamoli da dostavi mišljenje o zauzetom stavu i opravdanosti prijedloga Zakona o izmjenama i dopunama člana 22. Zakona o vanjskotrgovinskoj komori Bosne i Hercegovine, predlagača Momčila Novakovića.

Ad-3

Predsjedavajući Komisije je predložio da se u okviru ove tačke zauzme stav u vezi realizacije zaključaka sa 3. sjednice Komisije na osnovu analiza stanja uvoza i izvoza u BiH i materijala dobijenih do sada od Uprava carina i Ministarstva vanjske trgovine i ekonomskih odnosa.

U diskusiji su učestvovali: Hasan Muratović, Mladen Potočnik, Momčilo Novaković, Fatima Leho, Ibrahim Đedović.

Sugerisano je od učesnika diskusije da se nakon dobijanja podataka od Ministarstva vanjske trgovine i ekonomskih odnosa o vanskotrgovinskoj razmjeni na osnovu Ugovora o slobodnoj trgovini ratifikovani do sada između BiH i Republike Slovenije, SR Jugoslavije, Republike Hrvatske, Republike Makedonije i Republike Turske, s osvrtom na posljedice njihove primjene u naredna tri mjeseca održi sastanak - okrugli sto. U međuvremenu bi se održao sastanak sa predstavnicima komora entiteta, resornih ministarstava i stručnih lica iz ove oblasti.

Komisija je jednoglasno zaključila da se Ministarstvo vanjske trgovine i ekonomskih odnosa zamoli za dostavljanje «Analize o vanjskotrgovinskoj razmjeni Bosne i Hercegovine sa posebnim osvrtom na zemlje sa kojima se primjenjuju ugovori o slobodnoj trgovini». Komisija bi na osnovu dobijenih informacija orijentaciono do kraja decembra 2003. godine upriličila sastanak sa predstavnicima Vanjskotrgovinske komore BiH, komora entiteta i resornih ministarstava.

Sjednica je završena u 15:45.

Sekretar Komisije
Emira Češljarić

Predsjedavajući Komisije
dr. Petar Kunić